



1 4
1555
219

219



門 11
號 1555
卷 219

昭和十九年
四月十日
晴

夢梁錄卷六

錢塘 吳自牧 著

十月

十月孟冬正小春之時蓋因天氣融和百花間有開一
二朶者似乎初春之意思故曰小春月中雨謂之液雨
百蟲飲此水而藏蟄至來春驚蟄雷始發聲之時百蟲
方出蟄朔日朝廷賜宰執以下錦名曰授衣其賜錦花
色依品從給賜百官入朝起居衣錦襖三日士庶以十
月節出郊掃松祭祀墳塋內庭車馬差宗室南班往攢

宮行朝陵禮有司進煖鑪炭太廟享新以告冬朔諸大刹寺院設開鑪齋供貴家新裝煖閣低垂繡幙老樨團圓淺斟低唱以應開鑪之

立冬

立冬日朝廷差官祀神州地祇天神大乙十五日水官解厄之日宮觀士庶設齋建醮或解厄或薦亡立冬之後如遇瑞雪應序朝廷支給雪寒錢關會二十萬以賜軍民官放公私賃錢五七十以示優恤

孟冬行朝饗禮遇明禋歲行恭謝禮

每歲孟冬例于上旬行孟冬禮遇明禋行恭謝禮係先一日朝饗次日方行恭謝百官與宰相起居在學士院伺候駕出景靈宮待旦催班入帝廷殿中椽燭徹空明衛軍拱立聽宣輦華炬金蓮引駕行駕前教樂所伶工導行作樂逍遙輦後鈞容直動鼓吹從後詣景靈宮行恭謝禮禮成就西齋殿賜平章執政親王百官宴盞次食品並如朝會聖節同凡羣臣飲量內侍先奏定酒斟淺深每盞用平尺量分數各有定數不得畱殘前筵畢上降輦轉御屏百官小歇傳宣賜羣臣以下簪花從駕

衛士起居官把路軍士人等並賜花檢會要嘉定四年
十月十九日降旨遇大朝會聖節大宴及恭謝回鑾主
上不簪花又條具遇聖節朝會宴賜羣臣通草花遇恭
謝親饗賜羅帛花其臣僚花朵各依官序賜之宰臣樞
密使合賜大花十八朵欒枝花十朵樞密使同簽書樞
密使院事賜大花十四朵欒枝花八朵敷文閣學士賜
大花十二朵欒枝花六朵知閣官係正任承宣觀察使
賜大花十朵欒枝花八朵正任防禦使至刺史各賜大
花八朵欒枝花四朵橫行使副賜大花六朵欒枝花二

朵待制官大花六朵欒枝花二朵橫行正使賜大花八
朵欒枝花四朵武功大夫至武翼賜大花六朵正使皆
欒枝花二朵帶遙郡賜大花八朵欒枝花二朵閣門宣
贊舍人大花六朵簿書官加欒枝花二朵閣門祇候大
花六朵欒枝花二朵樞密院諸房逐房副使承旨大花
六朵大使臣大花四朵諸色祇應人等各賜大花二朵
自訓武郎以下武翼郎以下並帶職人並依官序賜花
簪戴快行官帽花朵細巧並隨柳條教樂所伶工雜劇
色渾裹上高簇花枝中間裝百戲行則動轉諸司人員

如局幹殿幹及百司下親事等官多有珠翠花朵裝成
花帽者惟獨至尊不簪花止平等輦後四黃羅扇影花
而已都人瞻仰天表御街遠望如錦向有朝臣吟二十
八字曰景靈行駕到和寧頭上宮花射綵雲歸向慈嚴
誇盛事誓殫忠力報吾君又有恭謝一二詞詠之名滿
庭芳鳳閣祥烟龍城佳氣明禋恭謝時豐綺羅爭看簾
幙捲南風十里仙儀寶仗暖紅翠玉碾玲瓏鑾回也簫
韶緩奏聲在五雲中于官迎萬乘絲綸疊疊錦繡重重
聽鳴稍輦路宴罷鰲宮瞻仰天顏有喜君恩霈寰宇雍

容生平願洪基鞏固聖壽永無窮慶清朝銀漏花殘紅
消燭淚九重魚鑰韶聲沸奏萬乘祥曦門外葢聖君恭
謝靈休謹訪景明嘉禮天意好祥風瑞月時正當小春
天氣禁街十里香中御輦萬紅影裏千官花底控繡勒
寶鞭搖曳看萬年永慶吾皇燃指又瞻三載御街行時
康三載昇平世恭謝三朝禮羣臣禁衛戴花回觀巷兒
郎精銳戰袍新樣團雕擁重隘圍子隊繡衣花帽挨排
砌錦仗天街裏有如仙隊玉京來妙樂鈞天盈耳都民
觀望時果是消災滅罪瑞鶴仙歡聲盈萬戶慶景靈禮

畢鑾輿遊步西郊煖風布喜湖山深鎖非烟非霧傳收
繡羽驂駟馳驟絨縷望彤芳穩穩金鑾袞鸞翔舞雲馭
近回天殿錫宴瓊津洪恩均顧霞天向暮翠華動舞韶
舉絳紗籠千點星飛清禁銀燭交輝輦路瑞光中渺祝
無疆太平聖主車駕還內后妃殿閣蒙頒犒餅載高裝
數百重均給隨鑾禁衛士狼餐皆有喜歡容

十一月冬至

十一月仲冬正當小雪大雪氣候大抵杭都風俗舉行
典禮四方則之爲師最是冬至歲節士庶所重如餽送

節儀及舉盃相慶祭享宗禋加于常節士庶所重如
雞之際太史觀雲氣以卜休祥一陽後日晷漸長比左
月則添一線之功杜甫詩曰愁日愁隨一線長正謂此
也此日宰臣以下行朝賀禮士夫庶人互相爲慶太廟
行薦黍之典朝廷命宰執祀於園丘官放公私餼金三
日車駕詣攢宮朝享

十二月

季冬之月正居小寒大寒時候若此月雨雪連綿以細
民不易朝廷賜關會給散軍民贖錢公私放免不徵自

冬至後戌日數至第三戌便是臘日謂之君王臘臘月
內可鹽猪羊等肉或作腊犯法魚之類過夏皆無損壞
惠民局及士庶脩製臘藥俱無蟲蛀之患此月八日寺
院謂之臘八大刹等寺俱設五味粥名曰臘八粥亦設
紅糟以麩乳諸果笋芋爲之供僧或餽送檀施貴宅等
家二十四日不以窮富皆備蔬食餽豆祀竈此日市閒
及街坊叫買五色米食花果膠牙餈箕豆叫聲鼎沸其
夜家家以燈照於臥牀下謂之照虛耗二十五日士庶
家煮赤豆粥祀食神名曰人口粥有猫狗者亦與焉不

知出于何典考之此月雖無節序而豪貴之家如天降
瑞雪則開筵飲宴墜雪獅裝雪山以會親朋淺斟低唱
倚玉偎香或乘騎出湖邊看湖山雪景瑤林瓊樹翠峰
似玉畫亦不如詩人才子遇此景則以臘雪煎茶吟詩
詠曲更唱迭和或遇晴明則邀朋約友夜遊天街觀舞
隊以預賞元夕歲且在邇席鋪百貨畫門神桃符迎春
牌兒紙馬鋪印鍾馗財馬迴頭馬等饋與土顧更以蒼
朮小棗辟瘟丹相遺如宮觀羽流以交年疏仙朮湯等
送檀施家醫士亦餽屠蘇袋以五色線結成四金魚南

心結子或百事吉結子並以諸品湯劑送與主顧第宅受之懸于額上以辟邪氣街市撲買錫打吉斛兒以備元旦懸于門首為新歲吉兆其各坊巷斗賣蒼术小棗不絕又有市爆杖成架烟火之類自此入月街市有貧丐者三五人為一隊裝神鬼判官鍾馗小姝等形敲鑼擊鼓沿門乞錢俗呼為打夜胡亦驅儼之意也

除夜

十二月盡俗云月窮歲盡之日謂之除夜士庶家不論

大小家俱洒掃門閭去塵穢淨庭戶換門神挂鍾馗釘桃符貼春牌祭祀祖宗遇夜則備迎神香花供物以祈新歲之安禁中除夜呈大驅儼儀並係皇城司諸班直戴面具著繡畫雜色衣裝于執金鎗銀戟畫木刀劍五色龍鳳五色旗幟以教樂所伶工裝將軍符使判官鍾馗六丁六甲神兵五方鬼使電君土地門戶神尉等神自禁中動鼓吹驅祟出東華門外轉龍池灣謂之埋祟而散是日內司意思局進呈精巧消夜果子合合內簍諸般細果時果蜜煎糖煎及市食如十般糖澄沙糰

果蜜姜豉阜兒糕蜜酥小鮑螺酥市糕五色其豆炒糕
栗銀杏等品及排小巧玩具頭兒牌兒貼兒小酒器止

插

盒子中做造像生大安輦或玉輦

九

等是夜禁中爆竹嵩呼聞于街巷

煙火屏風諸般事件爆竹及送在

爆竹聲震如雷士貧不以貧富家

如同白日圍爐團坐酌酒唱歌鼓

謂

之守歲

夢梁錄卷六

夢梁錄卷七

錢塘 吳自牧 著

杭州

杭城號武林又曰錢塘次稱胥山隋朝特勅立此郡城
僅三十六里九十步後武肅錢王發民丁與十三寨軍
卒增築羅城週圍七十里許有南城門稱為龍山東城
門號為南土北土保德北城門名北關今在餘杭門外
人家門首有青石鑿是也西城門曰水西關在雷峰塔
前城中有門者三曰朝天門曰啟化門曰鹽橋門宋太

平輿國年間錢王納土

安有號為寧海軍高

廟於紹興歲南渡駐蹕於此遂稱為行在所其地襟江

抱湖川湊

衍民物阜蕃非殊方下郡比也

自歸宋

易名旱門僅十有三水門者五城

南門者一曰嘉會城樓綯絲為諸門冠蓋此門為御道
遇南郊五輅從此幸郊臺路城東南門者七曰北水門
曰南水門蓋禁中水從此流出注鐵沙河及橫河橋下
其門有鐵窗柵鎖閉不會輒開曰便門曰候潮門口保
安水門河通跨浦橋與江相隔耳曰保安門俗呼小堰

門是也曰新開門城東門者三曰崇新門俗呼薦橋門
曰東青門俗呼菜市曰艮山門城北門者三曰天宗水
門曰餘杭水門曰餘杭門舊名北關是也蓋北門浙西
蘇湖常秀直至江淮諸道水陸俱通城西門者四曰錢
塘門曰豐豫門即湧金曰清波即俗呼閘門也曰錢湖
門其諸門內便門東青艮山皆甕城水門皆平屋其餘
旱門皆造樓閣諸城壁各高三丈餘橫闊丈餘禁約嚴
切人不敢登犯者準條治罪城內元三門俱廢之獨朝
天門止存兩城壁杭人猶以門稱之

大河橋道

自和寧門外登平坊內曰登平橋次日六部橋卽都亭驛橋北曰黑橋在玉牒所對巷曰州橋執政府大渠南曰安永橋次日國清橋投東轉北曰保安延壽橋權貨務東曰阜民橋不通舟楫合同場前曰過軍橋雜賣場西曰通江橋沿大河直至曰望仙橋次日宗陽宮橋介真道館前曰三聖橋榮王府前曰佑聖觀橋沿河看位前曰榮王府橋常慶坊東北曰太和樓橋俗名柴垛富樂坊東曰薦橋北曰豐樂橋善履坊東曰油蠟局橋舊

呼新橋興福坊東曰鹽橋上春廣福亭順亭惠亭佑侯蔣相公祠橋東一直不通水旱橋名蒲橋咸淳倉前曰咸淳倉橋元名東橋御酒庫東曰塌坊橋仙林寺東曰仙林寺橋平糶倉北曰西橋豐儲倉後曰葛家橋東曰通濟橋俗名梅家橋御酒庫北曰小梅家橋通濟橋北曰田家橋次日普濟橋白洋池前曰白洋池橋次日方家橋自大河直通天宗水門至三關也

小河橋道

自宗陽宮橋轉西河曰鍾公橋次日清冷橋南瓦子前

曰熙春橋南瓦內投西曰灌肺嶺橋通和坊東曰金波
橋北曰普濟橋次日巧兒橋寶佑坊曰寶佑橋五間樓
巷東曰亨橋賢福坊東曰平津橋俗名貓兒橋橋北曰
舍人橋次日永清橋鐵線巷西曰水巷橋次日新橋義
和坊曰芳潤橋元名炭橋武志坊東曰李博士橋次日
棚橋新安坊東曰新安橋出御街投北曰衆安橋投東
入延定坊曰鶯鴨橋次日安國橋又名北橋橋北曰軍
頭司橋懷遠坊出御街投北曰觀橋橋之西曰貢院橋
次日藩封酒庫橋雜作院西曰祥符橋橋西曰小新莊

橋普寧坊東曰清遠橋仁和縣衙對巷曰仁和倉橋縣
巷北曰萬歲橋六部架閣庫前曰天水院橋淳祐倉前
曰倉橋次日永新橋出杭水門亦由于三間水路也
其衆安與觀橋皆平坦與御街同蓋四孟車駕經由此
兩橋轉西禮部貢院路一頭過新莊橋詣景靈宮行孟
饗禮也

西河橋道

自衆安橋轉西曰衆樂橋次日下瓦子橋沂王府北曰
結縛橋十官宅前曰石灰橋次日八字橋元呼洗麩橋

南曰馬家橋次曰鞞或橋清河坊東曰洪橋次曰井亭
橋曰施水坊橋西橫街有橋名曲阜其橋不迥舟楫水
脈自六房院後石橋下湖水從此流出也韓府南曰軍
將橋次曰三橋子西樓酒庫前曰惠遜橋俗呼金叉庫
橋羅漢洞巷對曰侍郎橋向有侍郎姓廉名郎叔居此
又有賢德及人里巷賢之以盛名以橋記之南真道館
前曰施家橋斷河頭五顯祠後曰普濟橋再自八字橋
轉西曰清湖橋次曰黑橋左藏庫前曰左藏庫橋楊駙
馬府前投西曰安濟橋潘聞巷路通接洋街路曰安福

跳曰駱家橋西首寨前曰馬軍橋橋東寨前曰步軍橋
善應寺北曰四板橋橋西曰萬壽橋又名呂家橋景隆
觀後曰通利橋次曰米市橋老見營後曰五柳園橋北
曰福濟橋又名廣澤崇門外直東曰章家橋北曰淳
祐橋拱聖營東曰螺螄橋小粉場前曰普安橋又名橫
河橋東曰廣濟橋蒲場巷軍巡鋪前曰安濟橋遊奕教
場門曰教場門橋橋東橫河軍巡鋪前曰恩橋螺螄
橋北蟹行曰蔡湖橋遊奕軍佑聖殿後曰遊奕寨橋橋
北曰安榮橋南路曰小蔡湖橋殿司雙寨門前曰前軍

橋東青門外直東曰菜市橋選鋒軍東曰太平橋北曰
端平橋東青門曰十善橋次曰黃姑橋良山門東曰
應橋舊名瑞子橋仁和尉司前曰無星橋法明寺前曰
駱駝橋寺門外走馬塘曰蟹欄尉司前曰龔家橋沙河
角頭水陸寺北曰章家橋橋側曰廣度橋走馬塘東石
斗門鋪前曰石斗門橋尉司側曰木板橋沙河角頭曰
宋家橋城東鄭家園後曰翁泰橋次曰馮家橋章家橋
姚店橋園後麥莊廟前曰麥莊橋城東九里松大路曰
樟木廟橋廟前曰江家橋城東盧家雪窰南曰行人橋

走馬塘范家村曰張如兒橋姚斗門鋪曰新塘橋一
門鋪前曰蔡家大橋城東蔡家村曰蔡家小橋高塘
橫塘路曰姚馬四橋城東官園裏曰鳴舍橋橋大路
李家橋官園裏北曰孫家橋金家村曰猪坊橋
鋪前唐家村曰資福橋曰小資福橋斗門身南陸家村
曰陸家橋沈家塘口曰歐家橋斗門南大路曰升仙橋
看經寺前 看經橋 東胡陸 等處其橋有九名曰
范家徐家李家 姚家仲家橋普寧橋下廂等
橋五里塘路口張家橋 木側曰菩薩橋殊勝寺前曰

勝橋塘大路曰王家橋行人菴側曰嚴宅橋塘東曰七橋橋側曰鮑家橋

倚郭城北橋道

城北所管地界 錢塘尉司西才磨頭曰石函橋又曰西石頭橋西湖孤山路曰寶佑橋俗呼斷橋孤山路中曰涵碧橋和靖林處士故戶所曰處士橋延祥四聖觀西曰西林橋蘇堤南來第一橋曰映波第二橋曰鎖瀾第三橋曰望山第四橋曰壓堤第五橋曰東浦第六橋曰跨虹先賢堂前橋曰袁公橋蓋府尹袁大寶建堂

橋以名記之麴院新堤路小橋曰小新堤橋麴院大路向東曰行春橋九里松左軍教場大路西有橋亦曰行春橋飛來峰路口曰合澗橋龍非路口曰歸隱橋蓋東坡欲易于過溪建此橋也麥嶺西太清宮前曰孝義橋澗口寨前曰新河橋麥嶺至龍井其橋有三曰善安永安橋曰橋莊家步至丁家山有橋者三曰雙井丁家山小丁橋 向麗寺側曰惠因橋淨慈寺北慶樂園前曰長橋 門外沿城海子口隅下曰清化橋清波門外流 橋聚景園前曰聚景橋顯應觀前曰顯應

觀橋湧金門外城北水口上曰相國西橋九曲小渡曰
咸淳新建橋曰九曲昭慶橋六昭慶寺前曰昭慶廣濟
橋寺西寨前曰策選寨橋昭慶教場西曰教場橋教場
橋北曰宗福橋霍山大路口曰羊坊橋霍山行宮巷口
曰保安橋羊坊巷北曰溜水橋精進寺北曰小溜水橋
溜水橋西北曰沈家場橋橋前一帶曰安民橋西馬塍
觀音菴西曰八字橋運司竹木場前曰馬軍橋羊角塍
上有橋者四曰上泥下泥崇壽閣家橋馬塍烏盆場曰
富春橋又名烏盆橋羊角塍西雙寨門曰策選馬軍橋

塍西入裏曰神勇步人橋本州試院前曰大通橋王家
橋試院東曰道姑橋試院西曰清水橋石塘東曰西堰
橋古塘橋東曰方公橋西曰觀音橋城西銅錢局前曰
古塘橋古塘裏西曰惠安橋北郭務前曰餘杭橋天宗
水門外曰上堰橋餘杭橋側曰下堰橋北郭稅務北曰
糖餅橋神勇鋪曰過軍橋上閘南曰上斗門橋下斗門
西曰一橋土閘南曰中斗門橋上閘東陸家場前曰
天宗棧庫橋餘杭門外上閘頭曰上閘橋上閘北中閘
頭曰中閘橋中閘西曰唐家橋又名壽安橋中閘北下

開頭曰下開橋米市橋南曰俗堂橋下開西北曰米市
橋米市裏曰黑橋麻線巷曰採蓮橋夾城巷口曰袁家
橋德勝橋北曰下斗門橋舊瓦子後曰鄧家橋又名廣
利橋石牌頭巷內曰袁公橋糴場後德勝橋舊名堰橋
因韓大尉掩擊苗傳故杭人稱之曰長板橋曰楊復橋
下界倉後曰高家梁婆張家三橋五里塘大路曰東新
橋莫家場前曰范婆橋元係小石橋魚行裏曰水冰橋
接待寺南曰望佛橋橋西曰復明橋一名倪郎中橋橋
東曰雷道橋魚行裏曰黑橋接待寺前曰香火橋北外

酒庫南大路曰左家橋西倉南曰慶橋 名慈版

橋豐儲西倉前曰西倉橋倉北口 阮橋城北甬

巷口曰富春橋一名茆家橋西 橋官界巡司

東曰吳家橋司西曰黃家橋江游稅 曰江漲橋橋

歸錦橋瓜山涇巷口曰洪橋巷 曰杜公橋董

獅子橋前家橋橋側葛家余家二橋喻家橋

西葉家橋北新東曰費家橋北所 羊棚橋橋北曰

名中興永安橋北新隅北曰康家橋橋側曰

等鋪曰印墓橋康家橋北塘 曰板橋

八廂坊巷

各廂一員小使臣注授任其烟火盜賊收至微所統者軍巡火下地分以警其夜分

宮城廂廡坊巷喜會門禁城角西至中

小寨門南至八盤嶺北至鋪城角矣左一

所管坊巷曰大隱安樂和並在清河坊內

北首一帶左一北所管坊巷曰吳山坊即吳山井巷

河坊與南瓦子相對融和坊即灌肺嶺巷新街融和

北太平坊通和相對市南坊即巾子巷市西坊俗呼

頭

街並在御

南新街御

對康裕坊俗呼八作司

山北坊西相對

和坊俗呼糯米倉巷天井

巷舊名通過坊

西龍舌頭路中和坊元

店務巷舊名淨因坊仁

坊俗呼石坂巷在通判北廳之

府治東流

坊府治西豐裕坊凌家橋西

西八巷

在清河坊北首一帶直至州府浴河至府

所管坊巷曰脩義坊俗呼菱椒巷即肉市

馬巷眾樂坊俗呼虎跑泉巷教坊俗

坊即上百戲巷秀義坊即

文坊即舊將作監巷里

巷定坊即中

名後洋街巷保和坊

上在御街西首一帶福德坊

在保和坊 招賢坊仁 縣前對巷登省坊縣衙州

對係郭宰買民地掘開此 所管坊巷欽善

坊井亭橋南聞扇子巷廿 國井巷口與井亭橋

對清風坊莊文府南活火 河坊洪福橋西楊和王

府前興慶坊結縛橋對前洋街德化坊舊木子巷在

闔巷口字民平易俱在錢塘縣前右二廂所管坊巷孝

仁登平二坊和寧門外西東壽城坊太廟南糧料院巷

天慶坊即天慶觀巷保安坊元呼廟巷懷信坊俗呼糞

糞巷長慶坊入忠清廟路以上並在大街東西新開坊

清平巷轉東上抱劍營路常慶坊都稅務南柴垛橋巷

富樂坊薦橋西右二廂所管坊巷清平坊即舊沙皮巷

通和坊金波橋路寶佑坊即福王府看位一直路賢福

坊即壩東貓兒橋巷蘭陵坊水巷橋巷義和坊俗呼炭

橋巷武志坊元名李博士橋巷戒民坊俗呼棚橋巷爲
市曹行刑之地新安坊名爲新橋樓巷延定坊鷺鴨橋
巷安國坊卽北橋巷懷遠坊舊呼軍頭司營巷普寧坊
在觀橋之北卽清遠橋巷皆在御街東首一帶同德坊
舊呼燈心巷在大街北嘉新坊北庫東西北呼七郎堂
巷教欽坊俗呼竹竿巷北酒庫東面南新開南巷薦橋
富樂坊對新開北巷曰新橋東右三廂所管坊巷東巷
坊卽上中沙巷西巷坊名下中沙巷豐禾坊全皇后府
東善履坊卽芳潤橋東興化坊鹽橋下西北昌樂坊

橋東右四廂所管坊巷名曰典禮自宗陽宮牆之東至
傳法寺佑聖觀郭謝太后宅福田宮出街直到寧海坊
俱屬所統也葢杭舊有坊巷廢之者七如羅漢洞舊有
坊名美俗三橋湧金路舊名會昌坊洪橋楊府巷元作
紫雲坊癸辛街巷爲從訓坊馬家橋西曾立孝慈坊洗
麩橋南北二岸謂之通寶豐財二坊皆後人不可不知
姑並述之

夢梁錄卷七

夢梁錄卷八

錢塘 吳自牧 著

大內

大內正門曰麗正其門有三皆金釘朱戶畫棟雕甍覆以銅瓦鑄鏤龍鳳飛驤之狀巍峩壯麗光耀溢日左右列闕待百官侍班閣子登聞鼓院檢院相對悉皆紅檨子排列森然門禁嚴甚守把鈴束人無敢輒入仰視至晡時各門下青布幕護之麗正門內正衙卽大慶殿遇明堂大禮正朔大朝會俱御之如六參起居百官聽麻

改殿牌爲文德殿聖節上壽改名紫宸進士唱名易牌
集英明禮爲明堂殿次日垂拱殿常朝四參起居之地
內後門名和寧在孝仁登平坊巷之中亦列三門金碧
輝映與麗正同祀守衛士嚴謹如人出入守闈人高唱
頌帽號門外列百僚待班閣子左右排紅椽子左設閣
門右立待漏院客省四方館八登平坊沿內城有內門
曰東華守禁尤嚴沿內城向南皆殿司中軍將卒立寨
衛護名之中軍聖下寨寨門外左右俱置護龍水池沿
寨向南有便門謂之東便門禁庭諸殿更有者十日延

和曰崇政曰福寧曰復古曰緝熙曰勤政曰嘉明曰射
殿曰選德曰奉神御殿名欽先孝思之殿更有天章諸
閣奉藝祖至理廟神御御書圖製之籍寶瑞之閣建于
六部山後供進御膳卽嘉明殿在勤政殿之前勤政卽
木帷寢殿也嘉明殿相對東廊門樓乃殿中省六尚局
御廚祇應內侍人員俱集于此殿上常列禁衛兩重時
刻提警出入甚嚴內皆近侍中貴殿之廊廡皆知省御
藥御帶門司內轄等官幕次聽候宣喚小園子快行親
從釐官黃院子內諸司司屬人員等上番者俱聚于廊

庶祇候服役如宮禁買賣進貢皆由此入惟此處浩穰
每遇進膳自殿中省對嘉明殿禁衛成列約欄不許過
往省門上有一人呼唱謂之撥食次有紫衣裏捲脚僕
頭者謂之院子家托一合用黃繡龍合衣籠罩左手攜
一條紅羅繡手巾進入于此樣約十餘合繼後又托金
瓜各十餘合進入若非時取喚名曰汎索皇太后殿名
曰坤寧皇后殿名曰和寧兩殿各有大官及殿長內侍
及黃院子幕士殿屬親從輦官等人祇候諸宮妃嬪等
位次亦有內侍提舉各閣分官屬掌箋奏院子小園子

等人祇直和寧門外紅板子早市買賣市井最盛蓋禁
中諸閣分等位宮娥早晚令黃院子收買食品下飯于
此凡飲食珍味時新下飯奇細蔬菜品件不缺遇有宣
喚收買即時供進如府宅貴家欲會賓朋數十位品件
不下一二十件隨索隨應指揮辦集片時俱備不缺一
味夏初茄瓠新出每對可直十餘貫諸閣分貴官爭進
增價酬之不較其值惟得享時新耳

德壽宮

德壽宮在望仙橋東元係秦太師賜第于紹興三十二

年六月戊辰高廟倦勤不治國事別創宮庭御之遂命
工建宮殿扁德壽為名後生金芝于左棟改殿扁曰康
壽其宮中有森然樓閣扁曰聚遠屏風大書蘇東坡詩
賴有高樓能聚遠一時收拾付閒人之句其宮籞四面
遊翫庭館皆有名扁東有梅堂扁曰香遠栽菊閒芙蓉
脩竹處有榭扁曰梅坡松菊三徑除醜亭扁曰新妍木
香堂扁曰清新芙蓉岡南御宴大堂扁曰載沂荷花亭
扁曰香榭聽臨賦金林檎亭扁曰燦錦池上扁曰至樂郁
李花亭扁曰半綻紅木樨堂扁曰清曠金魚池扁曰瀉

碧西有古梅扁曰冷香牡丹館扁曰文杏又名靜樂海
棠大樓子扁曰浣溪北有榭木亭扁曰絳葉清香亭前
栽春桃扁曰倚翠又有一亭扁曰盤松高廟雅愛湖山
之勝於宮中鑿一池沼引水注入疊石為山以像飛來
峰之景有堂扁曰冷泉孝廟觀其景曾賦長篇咏曰山
中秀色何佳哉一峰獨立名飛來參差翠麓儼如畫石
骨蒼潤神所開忽聞彷彿來宮周指顧已驚成列岫規
模絕似靈隱前面勢恍疑天竺後孰云人力非自然千
巖萬壑藏雲烟上有崢嶸倚空之翠壁下有潺湲漱玉

之飛泉一堂虛敞臨清沼密蔭交加森羽葆山頭草木
四時春閱盡歲寒人不老聖心仁智情幽閒壺中天地
非人間蓬萊方丈渺空闊豈若坐對三神山日長雅趣
超塵俗散步逍遙快心目山光水色無盡時長將挹向
杯中綠高廟覽之欣然曰老眼爲之增明後孝廟受禪
議德壽宮改扁曰重華御之次憲明太皇后欲御又改
爲慈福宮壽域皇太后亦改宮扁曰壽慈御之繼後宮
室空閒因而遂廢咸淳年間度廟臨政以地一半營建
道宮扁曰宗陽以祀感生帝其時重建殿廡雉麗聖真

威嚴宮圍花木靡不榮茂裝點境界又一新耳目一半
改爲民居圃地改路自清河坊一直築橋號爲宗陽宮
橋每遇孟享車駕臨幸行燒香典禮橋之左右設帥漕
二司起居亭存焉

太廟

太廟在瑞石山紹興閒建正殿七楹十三室二車十駕
款謁禮後又幸建康改爲聖祖殿復奉神主還杭仍復
奉安于此禮部太常寺遵典行郊禋禮前一日朝饗太
廟仍設七祀板位于殿廡橫階之北又設配饗文武功

臣自韓王趙普以下二十五位于橫階之南後部寺奏請增建廟室後東西增六楹通舊十三楹爲一室東西二楹爲夾室及增廊廡作西神門冊寶殿祭器庫屋建齋殿及致齋閣子四十有四楹咸淳添置一室奉理廟神主通爲一十四室皆正中又築二成之臺爲祠宮升下以奉神主出入之地四祖廟在諸室之西奉僖順翼宣四祖神主耳每遇三年以孟冬禘饗卽廟行禮次詣諸室恭行祀典

景靈宮

景靈宮在新莊橋投北坐西乃韓蘄王世忠元賜宅基其子獻于朝改爲宮向中興初高廟饗輿幸此四孟朝獻俱于禁中行禮紹興年間臣僚奏景靈宮以奉祖宗衣冠之所卽漢享廟也今就便殿設位以饗未副廣孝之意遂詔臨安府同脩內司相度以蘄王宅基脩蓋宮廟殿門扁曰思成前爲聖祖廟宣祖至徽宗殿居中東西廊俱圖配饗功臣像于壁元天聖后與昭憲太后而下諸后殿居于後朝家欲再廣殿廡劉氏餘地其子孫復獻遂增建前殿五楹中殿七楹後殿十七楹自是齋

殿進膳更衣寢殿次第俱備焉咸淳年間再命帥臣重脩各殿度廟親洒扁目自聖祖宣祖太祖至理廟十六殿曰天興天元宣武大定熙文美成治隆大明重光承元瑞慶皇德系隆美明垂光章熙之扁自元天聖后至楊太后十五殿曰保寧太始儷極輝德衍慶繼仁徽音坤元柔儀順承纘德順嗣徽光順天體德之扁宮後有堂自東齋殿西循廡而右爲大堂三臨池上左右爲明樓旁有蟠桃亭堂南爲西齋殿遇郊禋恭謝設宴賜花于此西有流杯堂跨水堂梅亭北爲四并堂又有橘井

備竹四時花果亭宇不能備載宮南建崇禋節命道流以奉洒掃晨香夕燈之職仍設內侍官提舉宮事務及官司皇城兵侍衛之按朝野雜記太廟以奉神主一歲五饗朔祭而月薦新其五饗命宗室諸王奉禮朔祭以太常卿行事景靈宮以奉堦像歲行四孟饗主上親祀之帝后大忌宰臣率文武官僚行香僧道作法事后妃六宮亦皆繼往天章閣奉繪像時節朔望帝后生忌日皆徧薦內臣行禮內庭欽先孝思殿亦奉神御主上每日炷香凡朔望帝后忌辰節序皆親行酌獻之禮太廟

之祭以行俎豆禮景靈宮祭以奉牙盤禮天章閣欽先
孝思殿以奉常饌行家人之禮

萬壽觀

萬壽觀在新莊橋西紹興間建殿觀宇以太霄殿奉昊天寶慶殿奉聖祖長生殿奉長生帝西則純福殿奉元命後殿十二楹爲二十二室奉太祖以下會聖宮章武殿應天璇運皆素像以存東都遺制前殿東有圓廟室扁曰延聖章惠后室扁曰廣惠溫成后室扁曰寧華四孟廟獻畢上由御園詣本觀諸殿行燒香禮景定改道

院齋閣以奉皇太后元命觀東建神華館命羽士焚脩

御前宮觀 東太乙宮

御前宮觀在杭城者六湖邊者三多是潛邸改建琳宮以奉元命或奉感生帝屬內侍提舉宮事設立官司守衛兵士凡宮中事務出納金穀日膳道衆脩崇醮款凡有脩整宮宇及朝家給賜銀帛殿閣貼齋錢帛並皆主計給散羽士俱沾恩甚隆外觀皆不及也東太乙宮在新莊橋南元東都祠五福太乙神也駐蹕于此以北隅擇地建宮以奉禮寺討論宜設位壙像按十神者曰五

福君基大游小游天一地一四神臣基民基直符凡行
五宮四十五年一移所臨之地歲稔無兵疫紹興間命
浙漕度地建宮凡一百七十四區殿門扁曰崇真大殿
扁曰雲休挾殿扁曰瓊章寶室元命殿扁曰介福三清
殿扁曰金闕寥陽齋殿扁曰齋明火德殿扁曰明離兩
廡俱繪三皇五帝日月星宿嶽瀆九宮貴神等與從祀
一百九十有五遵太平興國舊制每祀用四立日設籩
豆簠簋尊彝如上帝禮兩廡以次降殺車駕遇四孟朝
饗嘗親詣焉孝廟又建元命殿扁曰崇禧淳熙建藏殿

扁曰瓊章寶藏鐘樓扁曰瓊音之樓理廟建長生殿奉
南極度宗建通真殿以奉佑聖中祐殿奉元命順福殿
奉太皇元命蓋易長生名改爲延壽俱宸翰也又北辰
殿奉北斗崇真館在宮南有齋六曰觀妙潛心泰定集
虛頤真集真洞微虛白館有小圃亭扁武林山在宮後
小坡山乃杭之主山也

西太乙宮

西太乙宮在西湖孤山淳祐間太史奏太乙臨梁益分
請用天聖故事於國城西南別建新宮以順方向于是

擇八角鎮地建宮奉安遂析延祥觀地爲宮以涼堂建
正殿扁曰黃庭之殿殿門扁曰景福之門安奉太乙十
神帝像東有延祥殿以備臨幸其外扁曰福祥之門凡
宮之事儀四立祀典皆如東太乙例遵行咸淳閒以德
輝堂爲元命殿明應堂爲太皇元命殿迎真殿在宮之
右有齋者二曰通真養素宮中舊有陳朝檜至今七百
五十餘年矣蘇東坡嘗爲僧志詮作詩以記側有小亭
孝廟宸翰其詩石刻于亭下曰道人手種幾生前鶴骨
龍姿尚宛然雙幹一先神物化九朝三見太平年忽驚

華表依巖出乞與佳名到處傳此柏未枯君記取灰心
聊伴小乘禪

佑聖觀

佑聖觀在端禮坊西元孝廟舊邸紹興閒以普安外第
設立光廟乾道年閒又開甲觀之祥淳熙歲詔改爲道
宮以奉真武紹定重建觀門曰佑聖之觀殿曰佑聖之
殿藏殿扁曰瓊章寶藏御製真武贊及宸翰黃庭經皆
刻之石以賜後殿奉元命西奉孝廟神御卽明遠樓舊
址也孝廟少年時題杜甫詩曰富貴必從勤苦得男兒

須讀五車書理廟又書全篇侵于東宮廳屏風上曰碧
山學士焚銀魚白馬却走深巖居古人已用三冬足年
少今開萬卷餘晴雲滿戶團傾蓋秋水浮堦溜決渠富
貴必從勤苦得男兒須讀五車書延真館在觀之右命
道流脩晨香夕炬之供館有道紀堂虛白齋

顯應觀

顯應觀在豐城門外聚景園之北處湖之東水四面遶
觀觀額宣和所賜靖康年閒高廟爲康邸出使至磁州
神馬引而南建炎初秀邸妻夢神指一羊謂曰以此爲

識遂誕毓孝廟由是累朝祠祀彌謹殿中爲顯應之殿
其神位曰護國顯應興聖普佑真君高廟爲書殿扁且
揭以御名昭其敬也孝廟宸書瓊章寶藏之扁理廟書
洞古經以賜刻石寧廟御題觀碑其額以表功忠觀之
東有崇佑館

四聖延祥觀

四聖延祥觀在孤山舊名四聖堂道經云四聖者紫微
北極大帝之四將號曰天蓬天猷翊聖真武大元帥真
君元是顯仁韋太后繪像奉事甚謹朝夕不忘香火高

廟爲康邸出使將行見四金甲神人執弓劍以衛紹興
閒慈寧殿出財建觀侍奉遂于孤山古刹徙之爲觀次
年內庭迎四聖聖像奉安此觀觀額詔復東都延祥舊
名殿扁曰北極四聖之殿殿門扁曰會真之門三清殿
扁曰金闕寥陽法堂扁曰通真元命閣扁曰清寧皆埋
廟奎墨藏殿扁曰瓊章寶藏孝廟親墨有堂扁曰瀛嶼
元是涼堂扁建西宮以堂爲黃庭殿別創新堂以此扁
奉之觀有瑞真道館卽延祥觀門也

三茆寧壽觀

三茆寧壽觀在七寶山元三茆堂因東都三茆寧壽之
名賜觀額寧壽觀殿戶曰太元奉三茆真君像觀中有
三神御殿觀中曾蒙賜三古器玩皆希世之珍一曰宋
鼎乃宋孝武帝之牛鼎以祀太室之鼎二曰唐鐘係大
唐常州澄清觀舊物內庭出內帑金帛易以賜之禁中
每聽鐘聲以奉寢興食息之節三曰褚遂良書小字陰
符經此物宣取復賜賈秋壑觀之外曰東山爲殿以奉
元命有亭扁曰窅日俯見日出又有庵扁曰仁壽

開元宮

開元宮在太和坊內祕書省後元寧廟潛邸爲道宮向東都有開元陽德觀以奉火德嘉泰年詔以嘉邸改充開元宮儀制皆視佑聖觀扁曰明離之殿祀以立夏又詔臨安府卽殿左別建皇伯宣明王殿遂徙太宗正司他所悉以址爲宮作寧廟神御殿又有璇璣殿奉北斗易扁曰北辰衍慶殿以奉真武順福神佑二殿奉元命皆嘉明殿奎畫宮北建陽德館以存脩真之道侶

龍翔宮

龍翔宮在後市街元理廟潛邸舊沂靖惠王府詔建道

宮賜名龍翔以奉感生帝大門扁曰龍翔之宮中門扁曰昭符之門殿扁曰正陽之殿禮官討論祀典以正月上辛日差侍從三獻官等升爲上祀行禮備牲牢禮料用十二籩豆設祭歌宮架樂舞受誓戒享祭齋宮行事內牲牢依祀天地禮例用羊豕所有儀像服色制度有蠶體殿廡下畫像可遵朝議以龍翔宮奉感生帝旣屬羽流心用齋醮之法其正月上辛日望祭自如其舊奉旨從之宮之左曰福慶殿以待車駕款謁改爲神御殿正陽之後殿爲熙殿宮西奉南真館門曰南真之館中

門曰啓晨之門三清殿扁曰三境儲祥後殿扁曰申佑以奉元命西曰順福殿以奉太皇元命壽元殿奉南斗景緯殿奉十一曜鐘樓扁曰和應之樓經樓扁曰凝真之章藏殿扁曰琅函寶藏小位次以備車駕宴坐扁曰仙源羽士之室扁曰澄虛內侍之舍扁曰泉石有高士三齋曰履和頤正全真

宗陽宮

宗陽宮在三聖廟橋東以德壽宮地一半建宮賜名以奉感生帝蓋此地前後環建王邸又建廟毓聖之所天

瑞地符益大彰顯詔兩司相度建宮大門扁曰宗陽之宮中門扁曰開明之門正殿扁曰無極妙道之殿以奉三清順福殿奉太皇元命三清殿後爲虛皇之殿直北有門扁曰真應之門中建毓瑞之殿以奉感生帝後爲申佑殿奉元命通真殿奉佑聖自開明門內左有玉籟之樓景緯之殿壽元之殿右有樂簡之樓瓊章寶書北辰之殿規制祀典並視龍翔宮行常以原饗回歸行款謁禮有降輦殿曰福臨之殿門曰福臨殿門進膳殿曰端拱後有軒扁曰勁霜有圃建堂二曰志敬曰清風亭

扁曰丹邱元圃亭之北鑿石池堂扁曰垂福後曰清境
圃內四時奇花異木脩竹松檜甚盛宮西有介真館堂
曰大範觀後觀妙齋曰會真澄妙常淨俱度廟奎藻

夢梁錄卷八

夢梁錄卷九

錢塘 吳自牧 著

三省樞使諫官

三省卽尚書省中書省門下省樞密院國初循唐舊制
置院于中省之北今在都堂東上爲樞屬列曹之所蓋
樞密使率以宰臣兼領自知院以下皆聚于都堂治事
省院在和寧門北首舊福寧寺也樞密院後建經武閣
係藏經武要畧之文中省門下後省在都堂後諫院在
後省之西檢正左右司在諫院之右向東承旨檢詳編

脩在樞密院三省樞密院監門大門之南三省樞密院
架閣在制勅院後御史臺在清河坊內北向蓋取嚴肅
之義內有朝堂卽臺廳也自紹興來未嘗置對有屬臺
臣獻問則刑察就聽于大理寺問罪矣

六部

六部在三省樞密院之南部之中堂名曰論思獻納之
堂 吏部掌天官依唐制以文武有官人分左右銓選
名之尚左尚右侍左侍右司封司勳考功凡七司以掌
文武注授到部推賞等事 戶部名爲地官又稱民部

掌天下州郡財賦得財用耗而復衍倉廩虛而復實之
事 禮部謂之春官掌禮儀討論典故講習典禮大朝
聘禮慶賀朝儀生辰聖節元旦冬至朝會郊祀明堂合
祀天地祖宗典策秋享祭祀社稷封賜祀典祠廟功臣
勳烈配享及賜家廟祭器等事 兵部謂之夏官掌兵
伍廂軍武舉投試武藝金吾街仗人司兵及大將出征
告廟破賊露布鹵簿字圖若番夷屬戶授官封爵等事
及天下地圖堡寨烽埃番夷歸服內附皆掌之又稱駕
部掌輦輅車乘廐牧雜畜乘具傳驛之政令辨其出入

之數再名庫部掌軍器儀仗函簿法式隨軍攻城什物
及供帳之事是爲四司主掌也 刑部謂之秋官掌邦
典之重輕民訟之疑惑重刑之出入官僚之憲讞皆主
之蓋民不問大小生死事體所係四方訟刑得其平直
發于天庭以稱其職唐制刑部分爲四司曰刑部曰都
官曰比部曰司門是也 工部謂之冬官掌工役程式
及天下屯田文武官職田京都衢關苑囿山澤草木畝
獵漁捕運漕碾磴之事唐制名爲四司曰工部曰屯田
曰虞部曰水部一皆所總也

六部監門

六部監門在六部大門之左凡所掌之事隸于六部部
門受其出入之時以聽上稽訪門之司存蓋至是而愈
重矣奉行列曹之命以正胥吏之失贊長貳之懲決以
遵長官之意耳 六部架閣其庫在天水院橋掌六曹
之文書主二十四司之案牘故官置庫掌其架閣皆無
失誤矣

諸寺

太常寺在羅漢洞掌奉常禮儀討論典故祭器太常樂

器等事寺內有昭勲崇德閣閣上繪像文武功勲大臣自忠獻趙韓王普以下二十五人于其上也 宗正寺玉牒所在太廟南玉牒建局以宰臣提舉從官兼脩撰宗正卿少以下悉預脩宗藩慶系錄仙源積慶圖等書檢討官亦以他職兼耳 大理寺在仁和縣西設卿少丞簿評事司直之官及治獄都轄推吏等家屬皆居于寺內以嚴出入之禁掌朝廷刑棘廷尉之職按法斷刑治獄推劾等事 司農寺在保民坊內國制以戶部掌國計而司農列卿少丞簿贊之如諸州府縣道每年上

供及宰執百官軍糧宣限米斛皆委專官吏卒下各路州縣坐徵以應宣限支用也 太府寺在保民坊內係周官職總局二十有四如諸軍諸司糧審四院左藏二庫買務賣場及編奎兩司和劑惠民四局祇候鈔引院皆屬掌矣

祕書省 國史勅令附

祕書省在天井坊之左東都建于禁中紹興閒以殿司寨基建省有殿扁曰右文之殿祕閣在殿後專奉御書製書畫古器等兩廡列累朝制書石刻國史實錄院在

殿東提舉官閣在殿西道山堂在閣後東西二閣監少
之位丞簿館職閣列于兩廊堂之前著作之庭在堂後
有小軒置石刻東坡畫竹于中西有四閣著作著佐之
位國史日歷所在著作庭東廡有汗青軒編纂會要所
在著庭西廡日歷會要庫經史諸子書籍庫共七庫俱
列于殿外東西兩廡書列庫在著庭之右後圃有羣玉
堂以東坡畫竹真蹟爲屏有蓬萊亭前爲鑿池度以石
橋池上疊石爲山又有亭者六扁曰芸香席珍方壺含
章茹芝繹志次有射圃矣含章亭後有渾儀基乃太史

推占星象之用也勅令所在侍郎橋南專爲詳定編脩
諸司勅令蓋謹法度廣賢才耳

諸監

國子監在紀家橋太學之側設祭酒司業丞簿等官專
掌天子之學校訓導生員之職總掌國子太學事務生
員出入規矩考課試遵訓導天子視學皇太子齒中則
講議釋奠等禮也監廳繪魯國圖東西爲丞簿位後有
書庫官位中爲堂繪三禮圖于壁用至道故事有圃亭
扁曰芳潤丞錢聞詩扁以隸古書板庫在中門內 將

夢溪筆談卷九
作監在保民坊啟監少丞簿掌計料監造官司營房舍
屋皆隸焉蓋漢制將作大匠沿襲秦宮亦少皞氏以五
雉爲五工正以利器用唐虞其工周官考工之職也
軍器監在保民坊監有長貳丞簿之官率屬治與唐六
典建官不殊掌製造御前軍器別置提舉提轄等官洎
其役近年專委殿巖而監製本監益以省也

大宗正司

大宗正司在天慶坊內以魏憲惠王府舊址築之掌親
屬宗廟之事自漢魏隋唐迄于宋因而不改以皇族官

以高有德望者領之又以本族尊屬爲判本司又增同
以爲之輔宗司有閣扁曰屬籍之閣于以見宗屬蕃
大而巳

省所

茶鹽所會子所公田所封樁安邊所並在三省大門內
職以都司官兼提領舊有安邊所創于嘉定初專充拘
推簿錄家產更有市權所牙契所等因吏胥蠹弊走卒
繁擾遂廢其名撥入封樁所以併掌之今又創市舶所
官府察見吏姦亦行省罷矣

六院四轄

登聞檢院鼓院始建于和寧繼移于麗正左右闕庭作庭亭之南左檢院右鼓院按唐舊制設四匭以通下情名曰崇仁司諫申明招賢遵體以使四方賢才便其上達都進奏院在朝天門外掌邦國傳送之事以鈐轄諸道傳遞官兵則周官行夫其職也官告院在部門之北士大夫自一命以上至於公卿王爵軍卒一資以上至於節鉞告命皆隸院給之如文則吏部武則兵部宗戚及命婦司封屬之考校勲績司勲掌之凡四司皆集

本部出詔耳元豐改制俱悉吏部行文武告命鈔而蕃官隸兵部自後皆歸吏部右選文思院在北橋東京都舊制監官分兩界曰上界造入銀珠玉曰下界造銅鐵竹木雜料然兩界監官解舍毋得近本院鄰牆並壁居所以防弊欺也但金銀犀玉工巧之制綵繪裝鈿之飾若與釐法物器具等皆隸焉諸司諸軍糧料院在洋沙坑七官宅廢屋諸司諸軍察計院在保民坊內舊馬軍教場基置院且如糧料院皆乃諸司諸軍仰上之祿均也尤不可不嚴設官置吏欲其專心致意支撥無

差失 審計院者自官禁朝廷百僚以下至于內侍御
士及于諸軍兵卒凡賦祿者以式法審其名數而其辟
召者惟郊祀賜緡已乃審祿有疑予則詔以法凡四方
之計籍土于大農則逆其會凡有司議調度會賦出則
誣焉 權貨務都茶場迺在橋東蓋國初循唐制舊以
九路之漕自達于淮去則皆余同則轉鹽諸路畱而庾
之官納鈔引以便商賈但鈔引之法通行則設官專職
主之課衍事繁官曹之選于斯重矣 雜買務雜賣場
在權貨務內唐制謂之 爲市買司太平興國

年方更名雜買務奉禁中買賣而平其直南渡後合局
于此凡宮禁月料朝省紙劄文思製造和劑脩合討椿
所積編估以時其直打套以籍其數而就售焉又置提
轄以總其務耳 左藏庫有東西二庫在清湖橋又韓
蕲王所獻賜第基建庫東庫則掌幣帛絕細之屬西庫
則掌金銀泉券紙纒之屬蓋朝廷用度多靡于贍兵蜀
湖之餉江淮之賦則歸于四總領餉諸屯軍則東西兩
庫歲入捐計者率百四十萬以 訂之率一千萬給遣
大軍居什之七宮禁百司祿賜裁三有非泛浩繁之費

則請于朝往往出內帑椿以補其闕耳 封椿上庫在
三省大門內封椿下庫在左 中門安邊太平庫在
下庫南蓋封椿上庫肇于孝廟之時以備緩急支撥又
徙戶部錢物隸本所則有上下庫之別上庫窠名之
折帛總制增鹽三分鹽袋增 不挑 使下庫窠名
者曰煮酒酒息 鹽場蘆柴坍塌江江沙田額五釐關
子爲數五縣中 又移緩弊多訖郡綱額虧數甚矣
哉

一衙

殿前司在鳳凰山八盤嶺中置衙有御書閣凝香室整
暇堂山之上爲月巖有亭扁曰延桂最高處曰介亭崖
石嶙峋亭之後爲冲天樓極高江海湖山奇偉之觀
侍衛馬軍司移屯建康以行司邊帥兼領元有帥衙在
保民坊內改爲寺監公宇 侍衛步軍司在鐵冶嶺西
衙有御書閣湖山堂錦繡樓相公井
閣職
閣門在和寧門外掌朝參朝賀上殿到班官等儀範上
有知閣簿書宣贊及閣門祇候寄班等官 四方客省

館在東華門北客省者掌收接聖節建奉香及燭外
國使人往來接伴之禮四方館者掌收接訃州府郡
朔望正冬賀表及大禮賀表等事御前忠佐軍頭引
見司在文思院後有內等子營以正廳知閣提點幕官
以大使臣爲幹辦司官

監當諸局

車輅院在嘉會門外置庫安玉輅及平等車製造御
前軍器所在禮部貢院之西改隸殿司所管工役每季
所製器納內庫萬全三指揮東西作兩營在所之東北

編估打套局在左藏庫門內惠民利劑局在太府寺
內之右製藥以給惠民局合暑臘藥以備宣賜太平
惠民局置五局以藏熟藥價貨以惠民也南局在三省
前西局衆安橋北北局市西坊南南外局浙江亭北外
二局以北郭稅務兼領惠民藥局收贖草料場在天
水院橋西有版十眼受畿內所輸稻麥豆以給騏驎
御馬二院及宰執三衙之馬合同場在軍橋之下
掌茶鹽鈔引合同會子庫在權貨務置隸都茶場悉
視川錢法行之以務門兼職以都司官提領日以工匠

二百有四人以取於左帑而印會歸庫矣 造會紙局在赤山湖濱先造於徽城次成都以蜀紙起解後因路遠而弗給詔杭州置局於九曲池遂徙於今安溪亦有局仍委都司官屬提領但工役經定頃見役者日以一千二百人耳 交引庫在太府寺門內專印造茶鹽鈔引遂請丞蒲僉押 法物庫在梅家橋北掌祭祀法服朝服冠珮帶舄及大禮明禋旗旒衫袍等內侍領其職 度牒庫在油車巷掌僧道一流承恩勅牒 市舶務在保安門外瓶場河下凡海商自外至杭受其券而考驗之又

有新務在梅家橋北 司農排岸司在前洋街掌拘卸諸州郡宣限綱運檢察搜空而繫其不登數者 三省樞密院激賞錢庫在俞家園激賞酒庫在錢塘縣南左右騏驎二院在漾沙坑兩院以馬二十四匹為額每月朝參各院以御馬三匹至和寧門立千南向朝罷回院 象院在嘉會門外御馬院養餵安南王貢至象三 參 左右騎御直在七官宅山上 左右教騎營在麗正門左右御馬院使臣營在嘉會門外 牛羊司在權貨務後掌御膳及祭之牲有滌官在六和塔之南

諸倉

省倉上界在天水院橋北其廩有八眼受納浙右米以充上貢及宰執百官親王宗室內侍仍支給王城班直省部職員 省倉中界在東青門外菜市塘有廩三十七眼皆受納浙右苗綱經常和糴公田椿積等米以供朝家科支農寺宣限凡諸軍諸司三學及百司顧券諸局工役等人皆給焉 省倉下界在東倉鋪勑于舊址極廣表朝家更脩乃折三之二建廩廳八十眼 豐儲倉在仁和縣側倉橋東以公田浩諭諸倉不足以受納

以豐儲增勑成廩百眼 豐儲西倉在餘杭門外佐家橋北其廩一 八眼 端平倉在餘杭門外德勝橋東元儲漕糴後歸農寺泄以京局官而領之咸淳重脩有本榭扁曰介然蓋取太倉箴語而并箴刻于石有廩五十六眼 淳祐倉在餘杭門內斜橋南元勑以儲米糴千帥司其後朝家撥支賑糴百姓自後付農寺以給諸軍諸司有廩一 平糴倉在仙林寺東勑以儲臨安米今農米皆入焉 咸淳倉在東青門內後軍寨北議增建廩以儲 歲入之米買瓊垂墜圃及以內酒

庫柴炭屋宇子帥司建倉廩一百眼歲貯公田米六百餘萬石凡諸倉支納下卸自方卸指糧兵士遇月分支遣皆至祇彼文袋自有賃者應辦如見支界日倉前成市水陸壅塞諸軍校給打諸糧不許顧人搬擔須親于殿中肩出倉外此祖宗立法如此

內司官

內侍省知省都知御帶御藥苑使門司殿長閣長內轄內監丞受隨都知下都監儀令上名扶持直掌權苑提舉提轄御前諸宮觀提點皇城司御輦馬御馬院兼提

舉諸內司庫藏司所等處更有聽喚一百員團練四員兩攢宮宮使隨父指教小直殿一百員內宮散祇候不記多數各有所轄職名主管事務

內諸司 奉安

皇城司禁衛所符寶所主管大內鑰匙庫御藥院內東門司內通進司御前軍器庫睿思殿庫內藏庫奉宸庫內軍器庫南廊庫安放庫生料庫果子庫香藥庫進奉庫殿中省後苑御膳所御廚六尚局翰林司儀鸞司八作司脩內司御前內轄司東西庫南北庫甲仗庫法物

庫蜜煎庫內司綱房青器窰內司備內庫御前應奉所
萬壽香一作宮所御服所裹御所絲帛所腰帶所八作司
意思房燈局御馬院教樂所天章閣樂器庫翰林書藝
局道場庫祇候庫御醋庫主管往來國信所東庫御輦
院車輅院皇城輦宮營驥院教駿營騎從馬院象院
大輦院內轄司濠寨司織染所奉安所御酒庫主管翰
林醫官局太醫局合同憑由司良馬院使臣院快行營
黃院子營阜院子營輕繫庫外庫御前諸宮觀官太廟
營景靈萬壽宮老兒營慈元殿庫皇后殿庫吳益國位
右選官領其職也

庫淑妃昭容脩儀美人才人諸位庫以上並是內侍官
兼職提點提舉等職外有皇城司御馬院象院係知閣
御帶環衛官兼領幹辦之職其餘外庫院幹辦之官係
右選官領其職也

